


[www.BibleForChildren.org](http://www.BibleForChildren.org)


# Genesis 1




Awank-akerr,  
Akngeyel alker-then  
ahern-then  
arrpmernek.




Kwaty alayelant ahern ingkerrenh  
artenh. Ingwemerntarl  
ingkerrenh-angkwarr ayntenh.  
Akngeyel awer ilkwa tyarlewek.  
Akngey-kenh Itnweng rtnenh.



Akngzey angkek, "Artyernerl-aynta!" Rap  
artyernenhey-alhek-anem. Akngzeyel itnewek  
"Arhta." Kel ra akethirrenhek. Ingwer Akngzeyel  
itnewek "Ingwa."




Arlta arrwekel anyent ikwerel,  
atwerrpirrenhek. Ingwemernt-anem irrek.  
Ingwel-anem. Ikwer-they angkep arrpemarl ra  
akethirrenhey-alhek.



Akngzey angkek, alker ampep-warl arrkngert  
rnkernetyek, kwaty alay amentant-atherriletyek. Kel  
alakenh-anyem. Akngzeyel arrkngert renh itnewek  
"Aker." Ikwer-they angkep arrpemarl ra  
akethirrenhey-alhek. Ingwirrek arrpemarl. Arlta 2  
ikwerel, kel ingwepenh-anem irrenhek.




Akngzey angkek ahern-then kwaty alay-then amentant  
atherriletyek, ahern artwerretyirrey-kety. Kel ahern  
aremirrek. Akngzeyel itnewek ahern-then kwaty  
alay-then. Akngzeyel arek rarl mwerr-angkwarr  
arrpmernek.



Akngey angkek atherrk-then arwerl amern-akert-then  
atherrk ntang-akert-rnem-then rnkernetyek. Kel  
alakenh-anyem. Ingwirrek arrpemarl.


Arlta 3 ikwerel, kel  
ingwepenh-anem irrenhek.




Akngeyel arrernek atherrap-antey, ikngwer  
arrernek ra artewentyel artyerney-angker  
artel. Akngeyel antyarr akngerr  
arrernek. Ingwirrek arrpemarl. Arlta  
4 ikwerel, kel ingwepen-anem  
irrenhek.



Akngey angkek kwaty  
alayek, atnwenth  
ingwerek-ingwer  
ikwerel anayntetyek.  
Rap angkek thip  
ingwerek-ingwer alkerel  
alhayntetyek. Ingwirrek  
arrpemarl. Kel  
ingwepenh-anem  
irrenhek, arlta 5  
ikwerel.




Akngzey angkek, "Ahern ikwer-penh atnwenth  
ingwerek-ingwer akngerrirretyek, ateralth-rnem-then,  
mwerr-rnem-then, ahernel alheyel-rnem-then." Kel  
alakenh-anyem.




Akngzey angkek, "Ahern-areny arrpmernetyek rernem  
anetyek anwantherr-apeny, rernem Atyetyart anetyek  
kwaty-areny ingkerrenhek, thip ingkerrenhek,  
atnwenth ingkerrenhek, atnwenth mwerr-rnemek-then,  
atnwenth ateralth-rnemek,  
ahernel alheyel-rnem-then."  
Akngzeyel ingkerrenh arek,  
rarl mwerr-angkwarr  
arrpmernek.



Akngey INGKARTel artwanem amern-angketyarr  
ikwer-itwek arrernek, ra arntarnt-arayntetyek.




Akngey INGKARTel  
renh ilek, "Arwerl  
ingwer-rnem-itwek  
ntwa arlkwayntetyek.  
Arwerl ingwer  
apmwek-then  
mwerrek-then  
akaltyirreyel, menty  
arlkwey-angenh. Ntwa  
arwerl yanh-penh  
arlkwentyan, nga arlta  
ikwerel-antey ilwem."



Ahern-areny ranem itneweynek atnwenth  
ateralth-rnem-then, mwerr-rnem-then, thip-rnem-then,  
ingkerrenh-antey. Alakenh-anyem  
ahern-arenyel itnewek-penh itnakert  
ingkerr-anem rernem anak.


Ahern-areny ament-areny  
ilkwatherr-weny anenh, atnwenth  
rernem ament anenh arrpemar,  
ingwer-ikwer.




Akngey INGKARTel ahern-areny renh ankwayntetyek  
athenek. Artwa ra apelp-anem ayntek. Artwa  
ikwer-penh ngkerraly anyent ra inek. Renh  
ampwerrkileynek, ra arelh-anem  
ikwer mpwarek ilkwatherr,  
ngkerraly anyent-penh. Akngey  
INGKARTel arelh renh  
atnwenhek artwa  
ikwer-warl.



Aleyarl alakenh aynteyel ra. Artwa  
anyentel aynikw-then amikw-then  
iwerl-alhem. Ra arelh ikwer-itwek  
itengirrem, anyent-apeny-antey ratherr  
aynteyel. Alakenh-anyem Akngey  
INGKARTel arrernek.



Akngey  
ingkerrenhek  
artewentyel  
ilkelheyel ahern nhenh-areny-rnemek.  
Rarl alerikw anyentant ikwerenh arwa  
alhewer-antey thwenek ahern  
nhenh-warl. Ingwerentyel  
ikwerenh-angkwarr apententy,  
rap iteth intem aneyenh,  
ilwey-angenh.



Romans 3:23 Ingkerrenh nthakenh Akngey-kenh-angkwarr  
arrayt aney-angenh ament, Akngey irrwerl-areny  
iterl-arey-angenh, rarl riterrk innga aneyel. Akngeyel iwerr  
anwekantherr mpwarek Jesus Christ-angkwarr. Ra  
ingkerrenhek katy ilwek, ra renh-rnem anyentelhilek  
Akngey-warl, rernem Akngey-kenh-angkwarr arrayt  
anayntetyek, alyek.

Romans 6:23 Apmwangkwarr apententy, rap kel ilwem  
apmwakert-antey. Akngeyel arrernek, ingkerrenh iteth  
atnyenetyek. Alakenh-anyem anwekantherr iwerr mpwarek.  
Ingkart anwekantherrenh Jesus Christ renh apententy,  
anwantherr iteth aneman, ikwerenh-angkwarr anyentirrem.

Romans 10:9,10 Ntwa Jesus Atyetyart antwenty, ntwā renh  
tnakemel, Akngeyelarl renh ipmepenitethilek, ranemarl  
ngenh itethilem arrpemarl.



Ntwa renh tnakenty, nga ikwerenh-angkwarr arraty anemarl. Ntwa Jesus renh Atyetyart antwenty, Akngeyel ngenh itethilem.

John 3:16,17 Akngey ingkerrenhek artewentyel ilkelheyel ahern nhenh-areny-rnemek. Rarl alerikw anyentant ikwerenh arwa alhewer-antey thwenek ahern nhenh-warl. Ingwerentyel ikwerenh-angkwarr apententy, rap iteth intem aneyenh, ilwey-angenh.

Akngeyel alerikw ikwerenh thwenek ahern nhenh-warl, ra ahern-areny ingkerrenh itethiletyek, apmwernem akngakey-angenh. Akngey ilkelhek, ra ingkerrenh iteth atnyenetyek alerikw ikwerenh-angkwarr.



# Genesis 1-2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: Bob Davies; Tammy S.

Ayawarr Bible (aly) © 2020, Wycliffe Bible Translators, Inc.  
All rights reserved.

<https://www.bible.com/en-GB/bible/2571/GEN.1.ALY>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

